

水經注釋






水經注釋

小山堂雕





予久聞仁和趙誠夫先生有釋水經注一書惜未之見昨春移節大梁適先生子載元官是方以屬吏進謁言次及之載元知隄防宣泄之宜能世其家學予既以其治績奏于朝擢守歸德今年夏謀鋟先生是書請序于予予始得受而讀之見其抉擇之詳明徵引之該核有升菴之博而無其不可信有中尉之勤而去其不必疑洵謂有是書以來不可少之撰述矣予服官數十年頗畱意地理之學以爲有裨于民生實事自癸卯歲校刻山海經畢卽欲疏是書是時幕下之士如邵錢洪孫諸子皆足以襄予編校之役數年以來已十得其三四今觀先生是書條剖縷析

水經注釋

卷首  
畢序

東潛趙氏

引博證有先得我心者亦或粗有知解可佐先生之不逮者略列數條于後備讀是書者之采擇焉大遼水下云遼東屬國首日昌遼故天遼而前志又無天遼之目予以十三州志校之知舊本今本皆誤刊三字志云遼東屬國都尉治昌黎道故交黎交黎前漢志屬遼西爲東海都尉治矣則知水經注昌遼之遼亦沿續志而誤也洛水下引劉昭注云周無司隸當爲司寇予按秋官司寇下有司隸鄭康成注云漢始置司隸亦使將徒治道溝渠之屬後稍尊之使主官府及郡縣則司隸之設實本於周劉昭之說未可據矣潁水下云固始卽固陵漢王追項羽至固陵卽此



予考固始之置在後漢建武二年高祖時尙無固始之名知晉灼注誤也惟括地志云固陵在陳州宛邱西北四十二里以今道里計之陳州府城西北三十里有固陵諸地志皆云卽漢高追項羽處知與固始非一地矣洧水下云鄭伯克段之鄆在潁川不在陳畱今考杜預是說趙匡集傳首疑之而改鄆字爲鄆予以爲趙說亦非也惟陳畱僞縣爲得矣廩延至僞旣爲順道又渡河奔其亦便若南至潁川之鄆陵旣無由北渡河若改從河南之鄆聚又嫌無別據仲援之言斯不易矣贛水下云豫章郡有豫章縣蓋復漢之舊今考道元云循水東北逕豫寧縣故西安也音水經注釋

卷首  
畢序

一一 東潛趙氏七本

太康元年更從今名則晉志仍作豫章縣爲誤又沈志豫寧侯相漢獻帝建安中立吳曰要安要字係西字之譌杜佑通典吳置新安縣晉更名豫寧新安亦西安之誤至云漢郡不當有淮陽晉志不聞有長樂今考漢紀高后八年淮陽王武以非子誅至宣帝元康三年始以封子憲中間闊絕百十有餘年其地爲淮陽郡可知晉書太康五年改安平爲長樂國封安平王孚曾孫祐爲王十年割武遂武邑觀津三縣爲武邑國以封南宮王承惠帝時承薨無後省還長樂國是長樂國之置志雖不詳而著于紀傳又盼盼可識矣又有可引伸先生之說者潩水下云潩潩音同



而字迄今考道元之說云潁水時人謂之敕水而高誘淮南王書注云潁讀如燕人強秦言敕同也是潁潁二字皆讀如敕元和郡縣志云大隗山潁水源出於此太平寰宇記大隗山潁水源出於此是潁潁二字古通疑叔重二水爲複載否或徐鉉等增入如葑之誤菽荻之誤菰字皆重出非許氏之舊矣泚水下云改傳陽作偃陽今考漢書地理志楚國傳陽故偃陽國莽曰輔陽師古曰偃音福古今人表有福陽子注云妘姓卽偃陽子是偃福傳輔皆以音同而轉也沔水下引左傳云及鄢亂次以濟淇水經典釋文淇誤作其子按淇水卽沔水道元云沔水與夷水亂流

水經注釋

卷首  
畢序

三  
東潛趙氏定本

東出謂之淇水沔淇音同傳寫誤耳凡此數條以迄邵子證南江入海之道錢子爲漢水兩源之釋洪子辨荊州浸之澁水孫子疏京兆尹之漕渠均足爲是書之證佐發前人所未發矣予又嘗疑唐宋諸人所引水經注不盡出于道元蓋郭璞三卷之著杜佑以爲疎略則必嘗親見之卽如李唐一朝陸禋旣會續水經李吉甫又嘗刪水經矣以是推之注水經者不止道元一人則諸書所引之水經注亦不必均據酈書以校其同異曾歷詢爲地理之學者頗以爲然惜不及先生在時竝董浦謝山諸前輩一決之爲憾也總之道元之注足以證經史之闕遺而先生是書又



足以補道元之譌漏經不可無注注又不可無釋斷斷然也序是書畢適奉

命兼督兩湖于先生所疑之東條大別又將以目驗之庶幾其有一得附先生是書以傳也


乾隆丙午八月既望鎮洋畢沅書于大梁使院

水經注釋

心首  
畢序

四

東潛趙氏定本





安定君之注水經雖其于禹貢之故道不能一一追溯而漢晉以後原委畢悉尤詳于陂塘堤堰之屬固有用之書也乃以過于嗜奇稱繁引博反失之龐讀者眩焉要其纏絡未嘗不釐然可按也所苦唐以後無完書据崇文總目則館閣所儲本亦祇三十五卷据元祐無名氏跋則蜀本且祇三十卷是以歐陽兗公尙未見四十卷之著錄及何聖從本幸復其舊然已云篇帙不無小失而以太平寰宇記諸書校之則逸文之不見于今本者不下數百條說者以爲原本當有弱黑涇洛庠沱諸篇而今不可得見矣是豈止小失乎哉然卽其所幸存者脫文譌字展轉沿褫蔡

水經注釋

卷首  
全序

一  
東潛趙氏定本

正甫所謂蜀板遷就之失令人撫卷茫然難以津造雖有好學如柳大中謝耳伯趙清常朱鬱儀孫潛夫之徒再四讎定不過正其十之三如盤洲石柱之疑而于其大者未之能及也百年以來乃有專門之學顧亭林顧宛溪黃子鴻胡東樵閻百詩五君子慨然于正甫補亡之不可得見合羣籍以通之購舊槧以校之竭精思以審之是書始漸見天日同時劉繼莊自燕中來亦地學之雄也欲因麗澤之益薈萃爲是書之疏而惜其不果然而諸家所論證或以洮水爲澆水東樵或以滎水爲澗水宛溪或以漯水有二百詩或以礫谿有南北二渠東樵或指九江在洞庭而託之許叔



重之說

東樵宛溪

斯其過皆不小甚矣稽古之難也杭有趙君

東潛者谷林徵士之子也藏書數十萬卷甲于東南稟其  
家庭之密授讀書從事于根柢之學一時詞章之士莫能  
抗手爰有箋釋之作拾遺糾繆旁推交通裒然成編五君  
子及繼莊之薪火喜有代興而諸家之毛舉屑屑者俛首  
下風安定至是始有功臣而正甫之書雖謂其不亡可也  
予家自先司空公先宗伯公先贈公三世皆于是書有校  
本故予年二十以後雅有志于是書始也衣食奔走近者  
衰病侵尋雙韭山房手校之本更是迭非卒未得畢業睠  
懷世學不禁慙赧而東潛奪燾而登囊括一切猶以予爲  
卑耳之馬不棄其鞅絆豈知羽毛齒革君之餘也聊舉先  
世之遺聞以益君則庶幾焉謝山全祖望序

水經注釋

卷

全序

二

東潛趙氏定本



盈天地之間數物有萬而物莫不始於一說交部敘始一終亥徐楚金曰一天地之始也一氣之化也天一生水而地六成之五行之次惟水最先此易數與箕疇牙相發也故水浮天而載地元氣之布濩筋脈之流通昔賢撰述尊之曰經酈氏脩分詮之曰注審其遠近之端詳其小大之勢于是源流之徑趣歸宿之殊區所謂經水枝水川水者百世悠悠如指諸掌唐六典云天下水泉三億三萬五十九蓋若是之夥也觀夫善長之爲人志氣剛毅故起例謹嚴博覽羣書故馳詞絢發以視江左諸公習尙浮華競誇雕組殆羞與絳灌爲伍矣後之職志方輿者如李宏憲樂水經注釋

一 東潛趙氏定本

子正王正仲之流莫不掇其菁英奉爲著蔡其間缺失五卷始記于崇文總目暨宋南渡中原文獻或失其傳學士大夫罕言其義雖嘗補于元刊于明日月寢久譌舛實多南州朱鬱儀中尉起而箋之疑人之所難疑發人之所未發論者以爲三百年來有數之作余愛之重之忘其固陋而爲之釋釋之云者所以存朱氏之是兼弼酈亭之違也錄取片長便成佳證助之張目足爲快心若夫箋有繆鑿則削而投之所遺漏則補之別爲刊誤不欲羸入卷中惑人視聽間關歲月始勒成編余因思水之爲道也由人之治與不治耳治之則爲利甚溥不治則爲患甚鉅而是書



又在人之能讀與否耳善讀者追惟古帝泮水警予之心  
用致地平天成之業而況農田水利之興慶流于宗社澤  
被于生民關中鄭國之渠秦所以卒兼諸侯也塞下宜禾  
之府漢所以遂威絕域也陳協代龍之堰安平沁口之竭  
智通在我雲雨日人干戈擾攘之際曷嘗廢浚遏之勤乎  
且夫李冰之平溷崖楊渙之開石牛周君光瀧水之勳張  
景明漳河之績載籍書之于今爲烈彼杜君卿之不揆顛  
末橫肆譏評鹵莽滅裂斯已過矣嗚呼八枝代絕九畫茫  
茫河身南徙淮不敵黃二渠不醜四瀆或亡豈天數之使  
然抑人謀之不臧也若乃絺章繪句躡影希聲規索枕中  
之祕竊侈談柄之助風斯愈下吾無取焉  
乾隆十九年仲冬上旬東潛趙一清述

水經注釋

卷三

二 東潛趙氏定本



水經注原序

易稱天以一生水故氣微於北方而為物之先也元中記  
曰天下之多者水也浮天載地高下無不至萬物無不潤  
及其氣畱屈石精薄膚寸不崇朝而澤合靈寓者神莫與  
竝矣是以達者不能測其淵冲而盡其鴻深也昔大禹記  
著山海周而不備地理誌其所錄簡而不周尚書本紀與  
職方俱略都賦所述裁不宣意水經雖粗綴津緒又闕旁  
通所謂各言其志而罕能備其宣導者矣今尋圖訪蹟者  
極聆州域之說而涉土遊方者寡能達其津照縱髣髴前  
聞不能不猶中關深屏營也余少無尋洄湍決復音纏絡枝煩條貫系夥十二經

水經注釋

東潛趙氏定本

寡一作孤

三天典本作本

通尚或難言輕流細漾固難辯究正可自獻逕見之心備  
陳舉徒之說其所不知蓋闕如也所以撰證三經附其枝  
要者庶備忘悞之矜求其等省之易此下不闕序文已完  
此是酈亭原本孫潛夫從柳大中鈔本錄得惜其失亡  
已大半矣然吉光片羽要為天下至寶而自篇首至其  
鴻深也詹氏辨能舉之則在明中葉此序未亡可知

而楊用修黃勉之二家刻書反遺之何也昔義門何氏  
最稱博覽深以不見此序為憾僅從玉海摘取大禹記  
著數語而云必得宋本乃為全篇則予今日之獲較之  
先正不既多乎東潛邨民識

嘉慶五年三月退軒  
老人第堂手記

以畢先生未竟之業  
予之所獲較先生益  
更多矣

此序載之永樂大典中  
近日殿版書出因詳觀  
此希有之珍擬錄於此



水經注釋參校諸本

楊氏慎刊本升菴自序別刊水經三卷又其孫

黃氏省會刊本五嶽山人自序

歸氏有光本太僕家藏舊鈔

柳氏僉本大中吳人正德年舊

趙氏琦美三校本清常道人常熟人脈望館藏書最

酉年正月二十七日起訖四月七日一萬歷庚辰年

二月十三日盡是年十二月五日畢工孫潛夫稱為

趙氏三校本最佳本也

吳氏瑄刊本字中行歙人萬

水經注釋

朱氏之臣本字無易蜀人引辛氏三秦記補

周氏嬰本字方叔莆田人

陳氏仁錫刊本萬歷中明卿

鍾氏惺譚氏元春刊本竟陵鍾伯敬譚

全氏雙韭山房舊校本鄞全侍郎元立字九山孫天

從孫吾騏字北翁三世校

錢氏曾本遵王有述古堂藏

黃氏宗羲刪本梨洲嘗盡刪鄺注之無豫于水經者

孫氏潛再校本字潛夫一字節菴又字知節君又字

顧氏炎武本亭林著肇域志天下郡國利病書日知



東潛趙氏



云丙子九月二十四日得見先生改正者又改定二十餘字

顧氏祖禹本宛溪著讀史方輿紀要

閻氏若璩本太原閻百詩著古文尚書疏證潛邱劄

黃氏儀本崑山黃子鴻會依鄭注每水各寫一圖兩

其理割正消水篇胡肫明禹貢錐指從之

劉氏獻廷本廣陽劉繼莊一字伯莊與黃子鴻友善

作楚水圖記又欲作水經注疏而未就存其

胡氏渭本德清胡肫明一字東樵著禹貢錐指悉本

定

姜氏宸英本西溟手自校定

水經注釋

一

校諸本

二 東潛趙氏

何氏焯再校本義門中吳名士生當文盛之日耆儒

籍世以博洽推之故其勘定諸書頗可依據自記于

康熙甲戌八月初十日始校是書夜以繼日至九月

十三日卒業戊戌八月再跋其用力亦勤矣

沈氏炳巽校本不詳何人見義門

董氏燧本吳興人

項氏綱本歙人即用朱

杭氏世駿本里人杭堇浦編

齊氏召南本天台人字次風與

全氏祖望七校本四明全謝山翰林取諸本手校于



寫今混作大字幾不可辨蓋述其先世舊聞斯言也  
子深然之河洛濟渭沔江諸篇經注混淆臥病中忽  
悟其義馳書三千里至京師告予予初聞之通夜不  
寐竟通其說悉加改正今秋下榻春州園之西樓各  
出印證宛然符契舉  
酒大笑因製序焉

以上諸本子悉取之與明南州朱謀瑋中尉箋相參證  
錄其長而舍其短第見聞有限頗懷生晚之歎觀者幸  
勿哂其陋也古老傳言馮祭酒夢禎以經注混淆間用  
朱墨分勾乙其本惜未之見

近時有戴氏震校本最佳惜求而未得

水經注釋

參校諸本

三 東潛趙氏

水經注釋參校諸本



北史本傳

酈範字世則

魏書本傳

范陽涿鹿人也

魏書地形志范陽郡涿縣有涿城

巨馬水注巨馬水又東酈亭溝水注之水承督亢溝水

于道縣東東南流歷紫淵東余六世祖樂浪府君自涿之

先賢鄉爰宅其陰西帶巨川翼茲水枝流津通纏絡墟圃

匪直田漁之可懷信為遊神之勝處也春明夢餘錄酈亭

在涿州南二十里為酈道元故居一統志酈亭在新安縣

西北舊志今有酈村酈亭莊皆在縣西北四十里畿輔通

志紫泉在新城縣東北源出縣西北十五里祖紹慕容寶

龍堂村至縣西十里合琉璃又南入白溝河

濮陽太守 晉書載記慕容寶垂之第四子紀元彙考晉孝

年魏拓跋皇始元年地志以郡迎降 魏書帝紀道武帝

濮陽郡晉置天興中屬兗州 道武授兗州監軍 兗州劉

亥大舉伐慕容寶自常山以東 道武授兗州監軍 兗州劉

守宰或捐城奔竄或稽顙軍門 道武授兗州監軍 兗州劉

義隆治瑕邱魏因之魏書 父嵩天水太守 地形志秦州天

官氏志監軍從第三品中 父嵩天水太守 地形志秦州天

水經注釋 東潛趙氏

即前漢隴西郡之上邽縣也後漢屬天水郡師古曰邽

音圭魏道武諱珪故改之官氏志上郡太守第四品 範

太武帝給事東宮 魏書帝紀世祖太武皇帝諱燾延元元

日景穆高宗即位尊曰 太武踐阼 按此文誤也魏書本傳

景穆皇帝廟號恭宗 太武踐阼 是此文誤也魏書本傳

宗文成皇帝諱濬恭宗景穆皇帝之長子乃太 追錄先朝

武之嫡皇孫太武崩以皇孫即位改元興安 追錄先朝

舊勳賜爵永寧男 地形志瀛州高陽郡領永寧縣官氏志

軍官氏志寧遠 以奉禮郎 魏書本傳作治禮郎官氏志治

將軍階第五品 以奉禮郎 魏書本傳作治禮郎官氏志治

東宮至是 奉遷太武景穆神主於太廟進爵為子 官氏志

始仕於朝 奉遷太武景穆神主於太廟進爵為子 官氏志

子第 為征南大將軍慕容白曜司馬 官氏志諸開府司馬

四品 為征南大將軍慕容白曜司馬 官氏志諸開府司馬

傳慕容白曜慕容容元真之元孫劉彧徐州刺史薛安都兗

州刺史畢眾敬竝以城內附詔鎮南大將軍尉元鎮東將

軍孔伯恭赴之皇興初加白曜使持節都督諸軍 及定三

事征南大將軍上黨王屯於碣磔為諸軍後 總



齊範多進策白曜皆用其謀魏書本傳慕容白曜南征範

主申纂憑城拒守議者僉以攻具未周不宜便進範曰今

輕軍遠襲深入敵境無宜淹留久稽機候且纂必以我軍

來速不去攻守謂方城可憑弱卒可恃此天亡之時也今

若外潛威形內整戎旅密厲將士出其非意可一攻而克

之策是也遂潛軍偽退示以不攻纂果不設備於是即夜

部分旦便騰城崇朝而克白曜將盡以其人為軍實範曰

齊四履之地世號東秦不遠為經略恐未可定也今皇威

始被民未霑澤連城有懷貳之將比邑有拒守之夫宜先

信義示之軌物然後民心可懷二州可定白曜曰此良策

也乃免之進次肥城白曜將攻之範曰肥城雖小攻則淹

日得之無益軍聲失之有損威勢且見無鹽之卒死者塗

炭成敗之機足為鑒矣若飛書告諭可不攻自伏縱其不

降亦當逃散白曜乃以書曉之肥城果潰白曜目範於眾

曰此行也得卿三齊不足定矣軍達升城劉或太原太守

房崇吉棄母妻東走或青州刺史沈文秀遣其寧朔將軍

張元孫奉牋歸款請軍接援白曜將遣偏師赴之範曰桑

梓之戀有懷同德文秀家在江南青土無墳桓之累擁眾

水經注釋卷之六

數萬勁甲堅城疆則拒戰勢屈則走師未逼之朝夕無患

竟何所畏已求援軍且觀其使詞煩而顏愧視下而志怯

幣厚言甘誘我也若不遠圖懼虧軍勢既進無所取退逼

強敵羝羊觸藩羸角之謂未若先守歷城平盤陽下梁鄒

尅樂陵然後方軌連鑣揚旌直進何患不壺漿路左以迎

明公者哉白曜曰卿前後納策皆不失衷今日之算吾所

不取何者道固孤城自守後陽諸戍勢不野戰文秀必尅

殄意在先誠天與不取後悔何及範曰短見猶謂不虛歷

城足食足兵非一朝可拔文秀既據東陽為諸城根本多

遣軍則歷城之固不立少遣眾則無以懼敵心脫文秀還

叛閉門拒守偏師在前為其所挫梁鄒諸城追擊其後文

秀身率大軍必相乘迫腹背受敵進退無途雖有韓白恐

無全理願更思審勿入賊計中白曜乃止慕容白曜傳劉

或東平太守申纂屯無鹽并州刺史房崇吉屯升城遏絕

王使白曜攻纂于無鹽拔其東郭其夜纂遁遣兵追執之

獲其男女數千口先是劉或青州刺史沈文秀冀州刺史

崔道固竝遣使內附而或遣招慰復歸或白曜既拔無鹽

回攻升城肥城戍主聞軍至弃城遁走獲粟三十萬斛既

至升城垣苗麋溝二戍拒守不下白曜以千餘騎襲麋溝

麋溝潰自投濟水死者千餘擊垣苗又破之得粟十餘萬

東濟趙氏



斛由是軍糧充足先是淮陽公皮豹子等再征垣苗不尅  
白曜以一句之內頻拔四城威震齊土升城不降白曜忿  
之縱兵陵城殺數百人崇吉夜遁白曜撫慰其民無殺戮  
百姓懷之獲崇吉母妻待之以禮劉或遣其將吳愷公率  
衆數萬欲寇彭城鎮南大將軍尉元表請濟師顯祖詔白  
曜赴之白曜自瑕邱進攻歷城乃爲書以喻之道固守不降  
盤陽諸縣悉降平東將軍長孫觀率騎入自馬耳關至  
州白曜自瑕邱進攻歷城乃爲書以喻之道固守不降  
白曜築長圍以攻之長孫陵等既至青州沈文秀遣使請  
降軍人入其西郭頗有採掠文秀悔之遂嬰城固守二年  
崔道固及兗州刺史梁鄒守將劉休賓竝面縛而降白曜  
皆釋而禮之送道固休賓及其僚屬于京師乃徙二城民  
爲奴婢分館朝廷置平齊郡懷寧歸安二縣以居之自餘悉  
東陽擒沈文秀凡獲倉粟八十五萬斛米三千斛弓九千  
張箭十八萬八千刀二萬二千四百甲胄各三千三百銅  
五百斤錢十五萬城內戶八千六百口四萬一千吳蠻戶  
三百餘始末三年築圍攻擊日日交兵雖士卒死傷無多  
怨叛督上土人租絹以爲軍資不至侵苦三齊欣然安堵  
築業尅城之日以沈文秀抗倨不爲之拜忿而箠撻唯以

水經注釋

卷首

三 東潛趙氏

此見譏以功拜使持節都督青齊東徐州諸軍事開府儀  
同三司青州刺史濟南王又列傳申纂者本魏郡人申鍾  
曾孫劉或爲兗州刺史沈文秀字仲遠吳興武康人伯  
父慶之劉駿司空稍遷建威將軍青州刺史和六年劉  
子業爲其叔或所殺文秀遂與諸州推立劉子勛及子勛  
敗皇與初文秀與崔道固俱以州降請師接應會劉或遣  
文秀弟文炳來喻之文秀復歸于或後慕容白曜既尅升  
城引軍下歷城乃率大衆并力攻討長圍數匝自夏至春  
始尅文秀取所持節衣冠儼然坐於齋內亂兵入曰文秀  
何在文秀厲聲曰身是執而軀送于白曜左右令拜文秀  
曰各二國大臣無相拜之禮白曜忿之乃至搃撻後還其  
衣爲之設饌遂與長史房天樂司馬沈嵩等鎖送京師面  
縛數罪宥死待爲下客給以麤衣蔬食顯祖重其節義稍  
亦加禮之又房天樂清河人滑稽多智先爲青州別駕文  
秀拔爲長史督齊郡州府之事一以委之文秀族子嵩聰  
敏有筆札文秀以爲司馬甚器任之宋書州郡志兗州刺  
史東平太守無鹽令漢舊縣青州刺史治臨淄安帝義熙  
五年平廣固北青州刺史治東陽城而僑立南青州如故  
後省南青州而北青州直曰青州孝建三年移治歷城大  
明八年遷治東陽太原太守秦立屬并州文帝元嘉十年



割濟南太山立領縣三山在太原祝阿又晉成帝立南青  
州及并州武帝永初元年省并州并南兗今白曜傳云并  
州刺史房崇吉則并州之號尚存也魏書地志兗州東  
平郡領無鹽兗州後漢治山陽昌邑魏晉治廩邱劉義隆  
治瑕邱魏因之青州漢治臨淄司馬德宗治東陽魏因之  
齊州治歷城劉義隆置冀州皇興三年更名領東魏郡劉  
駿置治歷城東平原郡劉裕置梁鄒東清河郡劉裕置治  
盤陽城太原郡劉義隆置魏因之領太原縣治升城有靡  
溝垣城濟州東濟北郡領肥城前漢屬泰山後漢屬濟北  
晉罷復屬治肥城按沈約志濟北郡領縣三蛇邱盧穀邱  
無肥城蓋縣廢而城存也水經注濟水右迤為涓湖又東  
北逕垣苗城西故洛當城也又東與涓溝合涓溝即麋溝  
亦即魏收志之麋溝垣苗城即垣城矣又水經注灤水逕  
陰館縣故城西魏天安三年齊平徙其民于此立平齊郡  
方輿紀要平齊城在山西大同府西二十里魏獻帝天安  
元年之明年改元皇興此天安字鄴道元誤記也魏收志  
無此郡縣蓋  
遂表為青州刺史魏書本傳以撫新民地形已廢省矣  
齊郡領臨淄昌國益都盤陽平昌廣饒西安安平廣川北  
海郡領下密劇都昌平壽膠東樂安郡領千乘博昌安德

水經注釋

卷首

四 東潛趙氏定本

般渤海郡領重合修長樂高陽郡領高陽新城鄴安次安  
平河間郡領阜城成平武垣樂成章武南皮樂陵郡領陽  
信樂陵厭次新樂濕沃官氏志上州刺史第三品中進爵  
州刺史從第三品下州刺史第四品青州當屬上中  
為侯官氏志開國加冠軍將軍官氏志冠軍將還為尚書  
右丞魏書本傳遷尚書右丞官氏志尚書右丞從第四品蓋京朝官尊于外職也後除平東將  
軍青州刺史假范陽公官氏志四平將軍第三品散公從第一品舊制諸鎮將刺史假五等  
爵者皆不  
得世襲  
範前解州還京也夜夢陰毛拂踝他日說之時  
齊人有占夢者史武進云公豪盛于齊下矣使君臨撫東

秦道光海岱必當重牧全齊再祿營邱矣範笑答曰吾將

謂卿必驗此夢後果如言淄水注先公以太和中作鎮海岱余總角之年侍節東州又濁

水又東北流逕東陽城北東北流合長沙水水出逢山北  
阜世謂之陽水也水流亦有時窮通信為靈昔在宋世是



水絕而復流劉冕賦通津焉魏太和此水復竭輟流積  
年先公除州即任未甚是水復通澄映盈川所謂幽谷枯  
而更溢窮泉輟而復流矣海岱之士又頌通津焉平昌  
民孫道相頌曰唯彼繩泉竭踰三齡祈盡珪璧謁窮斯  
道從隆替降由聖明蓋民河間趙嶷頌曰敷化末期元澤  
潛施枯源揚瀾澗川滌陂北海郭欽曰先政輟津我后通  
洋但頌廣文時鎮將官氏志舊制緣邊皆置鎮都大將統  
繁難以具載時鎮將兵備禦與刺史同城隍倉庫皆鎮將  
主之但不治事元伊利表範與外賊交通孝文詔範曰鎮  
故為重于刺史元伊利表範與外賊交通規陷卿罪窺州任  
將伊利表卿造船市玉與外賊交通規陷卿罪窺州任  
有司推驗虛實自顯有罪者今伏其辜矣卿其明為算略  
勿復懷疑魏書本傳高祖詔範曰卿身非功舊位無重班  
外無殊效亦未有負時之愆而鎮將伊利妄生姦撓表卿  
造船市玉與外賊交通規陷卿罪窺州任有司推驗虛  
實自顯有罪者今伏其辜矣卿其明為算略勿復懷疑待  
卿別犯處刑及鞭今恕刑罷鞭止罰五十卿宜克循輯綏

水經注釋 卷首

五 東潛趙氏定本

邊服稱還朝卒京師魏書本傳諡曰穆子道元魏書本傳  
朕意也酷吏傳道元第四弟道慎字善季涉歷史傳有幹略

元在酷吏傳道元第四弟道慎字善季涉歷史傳有幹略  
自奉朝請遷尚書二千石郎中加威遠將軍為漢川行臺  
迎接降款以功除員外常侍領郎中轉輔國將軍驍騎將  
軍出為正平太守治有能名遷長樂相正光五年卒年三  
十八贈後將軍平州刺史子中字伯偉武定初司徒刑獄  
參軍道慎弟道約字善禮起家奉朝請再遷冠軍將軍司  
徒諮議參軍朴質遲鈍頗愛琴書性多造請好以榮利干  
謁乞巧不已多為人所笑弄坎壈于世不免飢寒晚歷東  
萊魯郡二郡太守為政清靜吏民安之六年三武定七  
年卒北史本傳範弟道峻子暉字幼和好學有文才九長  
吏幹舉秀才射策高第歷位尚書外兵郎行臺長孫承業  
引為行臺郎暉頗兼武用恒以功名自許每進計于承業  
多見納用以功賞魏昌縣子暉在軍啓求減身官爵為父  
請贈詔授征虜將軍安州刺史暉後與唐州刺史崔元珍  
固守平陽朱榮稱兵赴闕暉與元珍不從為榮行臺郎  
中樊子鵠陷城被害所作文章頗行于世撰慕容氏書不  
成子懷則司空長流參軍按道峻為範子非其弟也道元  
兄弟五人其名皆以道字為次道元死于陰槃驛有弟道



某從疑卽道峻也故憚得爲之請贈道慎道約而外一則無聞範有弟曰神虎官尚書左民郎中神虎弟夔子憚則憚又非道峻之子未

知何以舛錯乃爾

道元字善長初襲爵永寧侯例降爲伯官氏志散侯從第三品魏書本傳太和中爲尚書主客郎中水經涅水注余爲尚書祠部是也官氏志尚書郎中第六品御史中

尉李彪以道元執法清刻魏書本傳執法清勤自太尉掾引爲書侍

御史官氏志開府掾屬從第五品治書侍御史第六品此

道元爲李彪爲僕射李冲所奏道元以屬官坐免魏書列傳李彪

字道周頓邱衛國人家世寒微高閭稱之於朝貴李冲禮

之甚厚彪深宗附高祖南征假彪冠軍將軍東道副將車

舉劾遠近畏之車駕南伐彪兼度支尚書與僕射李冲任

城王等參理畱臺事彪素性剛豪與李冲等意議乖異遂

形于聲色殊無降下之心自謂身爲法官莫能糾劾己者

水經注釋 卷首 傳 六 東潛趙氏定本

遂多專恣冲積其前後罪過乃于尚書省禁止彪上表曰

按臣彪昔于凡品特以才拔等望清華司文東觀綢繆恩

眷繩直憲臺左加金璫右珥蟬冕關東省宜感恩勵節忠

以報德而竊名忝職身爲違傲矜勢高亢公行僭逸坐輿

禁省冒取官材輒駕乘黃無所憚懼肆志傲然愚聾視聽

此而可忍誰不可容臣輒集尚書以下令史以上并治書

侍御史臣酈道元等于尚書都座以彪所犯罪狀告彪訊

其虛實若或不知須訊部下彪荅臣言事見在日實如所

劾皆彪所知何須復召部下臣今請以見事免彪所居職

使之時見其色厲辭辯才優學博臣之愚識謂是拔萃之

一人及彪位宦升達參與言燕聞彪評章古今商略人物

與言于侍筵之次啓論于衆英之中賞忠識正發言懇惻

惟直是語辭無隱避雖復諸王之尊近侍之要至有是非

多面抗折酷疾矯詐毒譽非違厲色正辭如鷹鷂之逐鳥

雀懷懷然實似公清之操臣雖不才輒亦尚其梗槩欽其

正直微識其褊急之性而不以爲瑕及其初登憲臺始居

司直首復騶唱之儀肇正直繩之體當時識者僉以爲難

而彪秉志信行不避豪勢其所彈劾應弦而倒赫赫之威

振于下國肅肅之稱著于京師天下改目貪夫斂手臣時



見其所行信謂言行相符忠清內發然時有私于臣云其威暴者臣以直繩之官人所忌疾風誦之際易生音謠心不承信往年以河陽事會與彪在領軍府共太尉司空及領軍諸卿等集閱廷尉所問囚徒時有人訴枉者二公及臣少欲聽採語理未盡彪便振怒東坐攘袂揮赫口稱賊奴叱吒左右高聲大呼云南臺中取我木手去搭奴肋折雖有此言終竟不取即言南臺所問唯恐枉活終無枉死但可依此時諸人以所枉至重有首實者多又心難彪遂各嘿爾爾因緣此事臣遂心疑有濫審加情察知其威虐猶未體其採訪之由訊檢之狀商略而言酷急小罪肅禁為大會而無不聞之猶謂益多損少故懷寢所疑不以申徹實失為臣知無不聞之義及去年大駕南行以來彪兼尚書日夕共事始知其言與行舛是己非人專恣無忌尊身忽物安以身作之過深劾他人己方事人好人佞已聽其言同振古思怨之賢校其行是天下佞暴之賊臣與任城卑躬曲已若順弟之奉暴兄其所欲者事雖非理無不曲從依事求實悉有成驗如臣列得實宜極彪于有北以除姦矯之亂政如臣無證宜投臣于四裔以息青蠅之白黑高祖在懸瓠覽表歎愕曰何意雷京如此也有司處彪大辟高祖恕之除名而已又李冲字思順隴西人李彪之入京也

水經注釋

卷首

七 東潛趙氏定本

孤微寡援而自立不羣以冲好士傾心宗附冲亦重其器兼尚書為高祖知待便謂非復藉冲而更相輕背惟公坐斂袂而已無復宗敬之意也冲頗傲無禮遂禁止之奏其罪吏部尚書任城王澄竝以彪倨傲無禮遂禁止之奏其罪狀冲手自作家不知辭甚激切因以自劾高祖覽其表歎悵者久之既曰道固可謂溢也僕射亦為滿矣冲時震怒數數責彪前後愆悖瞋目大呼投折几案盡收御史皆泥首面縛詈辱肆口冲素性溫柔而一旦暴恚遂發病荒悻言語亂錯猶扼腕叫詈稱李彪小人醫藥不能療或謂肝腸傷裂旬景明中為冀州鎮東府長史官氏志四鎮將有餘日而卒

中亦不至州

按魏書外戚傳北史列傳皆

道元行事三年

為政嚴酷吏民畏之

洧水注長社縣潁川郡治余以景明

後試守魯陽郡

汝水注余以永平中蒙除魯陽太守地形

衛將軍從第二品又第二品 刺史于勁順皇后父也西討關

品將軍長史從第四品 刺史于勁順皇后父也西討關

中亦不至州 按魏書外戚傳北史列傳皆

為政嚴酷吏民畏之 洧水注長社縣潁川郡治余以景明

後試守魯陽郡 汝水注余以永平中蒙除魯陽太守地形



荆州二十二年罷置領縣二山北太和十一年置有應山  
應城河山太和二十一年置官氏志中郡太守第五品下  
郡太守第六品魯道元表立鬻序崇勸學校詔曰魯陽本  
陽郡當屬中下也

以蠻人不立大學今可聽之以成良守文翁之化道元在

郡山蠻伏其威名不敢為寇魏書蠻傳永平初京荆州表

大陽蠻歸附者一萬七百戶請置郡十六延昌中為東荆

州刺史泚水注延昌中除東荆州刺史治泚陽故城按地

魯陽武定中陷徙治襄城以其別于荆州與北荆州故此

加東也官氏志中州刺史從第三品下州刺史第四品東

屬中下威猛為政如在冀州蠻人詣闕訟其刻峻請前刺

史寇祖禮及以遣戍兵七十人送道元還京二人竝坐免

官魏書列傳寇字祖禮上谷人祖後為河南尹魏書本傳

水經注釋讚南雍州刺史父臻宏農太守八東潛趙氏定本

地形志河南郡太和中遷都為尹天平初改官氏志河南

尹第三品周書趙肅傳魏正光五年元為河南尹辟肅為

簿主明帝以沃野懷朔薄骨律武川撫冥柔元懷荒禦夷諸

鎮竝改為州其郡縣戍名令準古城邑詔道元與都督李

門侍郎馳驛與大都督李崇籌宜等立裁減法畱會諸鎮

叛不果而還按此文有誤魏書本傳肅宗以諸鎮竝為州

崇籌宜置立裁減去畱儲兵積粟以為兵備等立即置立

之誤法畱亦去畱之誤也魏書列傳後北鎮破落汗拔陵

反叛所在響應賊眾日甚吏部尚書元修義曰疆寇充斥

事須得討臣謂須得貴重鎮壓總彼師旅備衛金陵詔曰

去歲阿那瓌叛逆遣李崇令北鎮崇乃上表求改鎮為州  
罷削舊貫朕于時以舊典難革不許其請尋李崇此表開  
諸鎮非異之心致有今日之事但既往難追為復略論此  
耳崇啓曰臣以六鎮幽垂與賊接對鳴柝聲弦弗離旬朔  
州名差重于鎮謂實可悅彼心使聲教日揚微塵去塞豈  
敢導此凶源開生賊意臣之愆負死有餘責屬陛下慈寬



賜全腰領今更遣臣北行正是報恩改過所不敢辭但臣  
年七十自惟老疾不堪敵場更願英賢收功盛世于是詔  
崇以本官加使持節開府北討大都督撫軍將軍崔暹鎮  
軍將軍廣陵王淵皆受崇節度太武五王列傳廣陽王建  
閻子深字智遠沃野鎮人破六韓拔陵反崔暹詔深為北道  
大都督受尚書令李崇節度時東道都督崔暹敗於白道  
深上書邊豎構逆以成紛梗其所由來非一朝也昔皇始  
以移防為重盛簡親賢擁麾作鎮配以高門子弟以死防  
遏不但不廢仕宦乃至偏得復除當時人物忻慕為之及  
太和在歷僕射李冲當官任事涼州士人悉免厮役豐沛  
舊門仍防邊戍自非得罪不當世莫肯與之為伍征鎮驅使  
但為虞侯白直一生推遷不過軍主然其往世房分畱居  
京者得上品通官在鎮者便為清途所隔或投彼有北以  
禦魑魅多復逃胡鄉乃峻邊兵之格鎮人浮游在外皆聽  
言者流涕自定鼎伊洛邊任益輕唯底滯凡才出為鎮將  
轉相模習專事聚斂或有諸方姦吏犯罪配邊為之指蹤  
過弄官府政以賄立莫肯自改咸言姦吏為配邊無不切齒  
憎怒及阿那瓌背恩縱掠竊奔命師追之十五萬眾度沙  
漠不日而還邊人見此援師便自意輕中國尚書令臣崇

水經注釋 卷首 傳

時即申聞求改鎮為州將允其願抑亦先覺朝廷未許而  
高闕戍主率下失和拔陵殺之為逆命攻城掠地所見必  
誅王師屢北賊黨日盛此段之舉指望銷平其崔暹隻輪  
不反臣崇與臣遂巡復路今者相與還次雲中馬首是瞻  
未便西邁將士之情莫不體今日所慮非止西北將恐  
諸鎮尋亦如此天下之事何易可量時不納其策東西部  
勅勒之叛朝廷更思深言遣兼黃門侍郎鄴道元為大使  
欲復鎮為州以順人望會六鎮盡叛不得施行地形志朔  
州本漢五原郡延和二年置為鎮後改為懷朔孝昌中改  
為州後陷領郡五縣十二年置為鎮後改為懷朔郡領  
石門中川神武郡領尖山殊顏太平郡領那捍殊廣寧郡領  
附化郡領附化息澤五原廣收蔚州永安中改懷荒禦夷  
二鎮領郡三縣七始昌郡領干門蘭泉忠義郡領葦池楊  
柳附恩郡領西涼利石化政靈州太延二年置薄骨律鎮  
孝昌中改郡縣闕按殊顏又曰樹顏以水得名息澤當作  
恩澤廣收當作廣牧字之訛也志又云蔚州寄治并州鄆  
縣則實改懷荒禦夷為蔚州而二鎮又不在鄆縣在鄆縣  
者特寄治之州孝昌以後恒代而北盡為邱墟故永安時  
諸州邑皆僑治非復太武所置之舊矣方輿紀要懷朔城  
魏收曰本漢五原郡今榆林鎮故豐州也杜佑曰在朔州



北三百餘里後魏六鎮之一孝文帝太和十八年如懷朔鎮又如武川鎮如撫冥鎮復如柔元鎮胡氏以為此六鎮自西徂東之次第也正始初柔然侵魏之沃野及懷朔鎮詔源懷出行北邊懷還至恒代按視諸鎮左右要害可以築城置戍之處欲東西為九城儲積糧仗為犬牙相救之勢使遊騎之寇終不敢攻城亦不敢越南寇從之正光四年沃野鎮民破六韓拔陵畔其黨衛昌中改置朔州併置大懷朔鎮既而武川陷懷朔亦潰孝昌中改置朔州併置大安郡其後荒廢以朔州寄治并州界武川城在大同府北塞外魏六鎮之一也北史魏主燾破蠕蠕列置降人于莫南東至濡源西暨五原陰山竟三千里分為六鎮曰武川曰撫冥曰懷朔曰懷荒曰柔元曰禦夷孝文太和八年高閭請依秦漢故事于六鎮之北築長城又云計六鎮東西不過千里一夫一月之功可城三步之地強弱相兼不過用十萬人一月可就是六鎮皆在代都以北胡氏謂以千里計之六鎮相距各一百七十許里是也又十八年魏主如武川鎮景明四年使源懷巡行北邊六鎮恒燕朔三州正光三年沃野鎮民破六韓拔陵叛其黨衛可孤圍武川鎮又攻懷朔鎮六年阿那瓌為魏討破六韓拔陵自武川西向沃野屢破陵兵杜佑曰後魏六鎮並在馬邑雲中單

水經注釋

卷首

十 東潛趙氏定本

于府界其武川在白道中漢水上撫冥城胡氏曰當在武川柔元鎮間魏六鎮之一也宋元徽元年柔然侵魏柔元鎮是也柔元城在大同府東北塞外于延水東水經注柔元鎮在長川縣城東城南小山于延水所出也孝昌初柔元鎮人杜洛周反于上谷圍燕州鎮蓋與上谷接壤胡氏曰柔元鎮城在漢且如縣西北塞外懷荒城在大同府東北塞外魏六鎮之一魏收志魏降高車時所置杜佑曰蔚州即後魏時懷荒禦夷鎮魏正光三年遣元孚諭柔然阿那瓌于柔元禦夷二鎮胡氏曰懷荒城在柔元之東禦夷之西禦夷鎮城在保安右衛西北所謂濡源之地也魏初拓跋祿官分其國為三一居上谷之北濡源之西自統之魏主燾始置禦夷鎮于濡源西北為六鎮之一即此按六鎮莫詳于水經注以道元身歷其境嘗所經營者具見本書魏世祖始置六鎮東西延亘三千里西起薄骨律東盡禦夷孝文時改易舊章故高閭以為計六鎮東西不過千里也是時六鎮西起武川東抵禦夷其長不過千里耳顧宛溪以太武置新入遂有六鎮之名考之魏書北史本紀竝無其事蓋誤證也六鎮之名當起孝文之世然孝文紀太和十八年詔六鎮及禦夷城人是禦夷又在六鎮之外



不可曉也今為銓次薄骨律沃野二鎮如左水經注河水  
又北逕薄骨律鎮城在河渚上赫連果城也桑果餘林  
仍列州上但語出戎方不究城名訪諸耆舊咸言故老宿  
彥言赫連之世有駿馬死此取馬色以為邑號故曰城為  
白口驪韻轉之謬遂仍今稱所未詳也河水又東逕沃野  
縣故城南漢武帝元狩三年立漢書地理志北地郡靈州  
縣有河奇苑號非苑師古曰苑牧馬之所也水可居曰  
州此地之在河之州隨水高下未嘗淪沒故號靈州又曰河  
奇也二苑皆在北焉禹貢雖指元和志靈州理迴樂縣本  
漢富平縣地縣枕黃河後魏刁癰為薄骨律鎮將上表青  
開富平西三十里艾山舊渠通河水溉公私田四萬餘頃  
人大獲其利又薄骨渠在縣南六十里溉田千餘頃沃野  
故城在天德軍城北六十里即後魏六鎮西頭第一鎮刁  
癰上表云臣鎮去沃野八百里道多深沙輕車往來猶以  
為難以今輿地言之河水又東北逕靈州所北折而北逕  
寧夏衛東南又北逕平羅所北又北逕榆林衛西出塞逕  
廢豐州西折而東逕三受降城南觀李吉甫所云沃野為  
六鎮西頭之第一則知自武川以至禦夷六鎮其中必有  
輿廢之由而今不可考矣據杜君卿胡梅磧所指皆不數  
薄骨律沃野二鎮官氏志餘官雜號多同于晉朝晉書職

水經注釋

卷首

東潛趙氏定本

官志使持節為上持節次之使持節得殺二千石以下持  
節殺官位人若軍事得與使持節同又給事黃門持節第  
四品一代制度國勢之孝昌初梁遣將揚州刺史元法僧又  
強弱繫焉故詳列之魏書孝明帝紀孝昌元年春正月庚申徐州  
于彭城反叛刺史元法僧據城反害行臺高謨諫作自稱  
宋王年號天啓遣其子景仲歸于蕭衍遣其將胡龍牙  
成景雋元略等率眾赴彭城詔秘書監安樂王鑒回師以  
討之道武七王列傳陽平王熙子臨淮王他他孫法僧為  
安東將軍徐州刺史孝昌元年法僧殺行臺尚書高謨反  
于彭城自稱尊號號天啓詔道元持節兼侍中攝行臺尚  
地形志徐州魏晉治彭城詔道元持節兼侍中攝行臺尚  
書官氏志侍中列曹節度諸軍依僕射李平故爭魏書列  
遣其將左遊擊將軍趙祖悅偷據西碛石以逼壽詔平以  
本官使持節鎮軍大將軍兼尚書右僕射為行臺節度諸  
軍東西州將一以稟之軍至渦陽地形志譙州南譙郡敗  
如有乖異以軍法從事魏書孝明帝紀鑒于彭城南擊元  
退道元追討多所斬獲魏書孝明帝紀鑒于彭城南擊元



為法僧所敗衍遣其豫章王綜入守彭城法僧擁寮屬守  
令兵戍及城郭士女萬餘口南入道武七王列傳大軍致  
討法僧攜諸子擁掠城內及文武南奔蕭衍又明帝紀孝  
昌二年五原降戶鮮于修禮反于定州詔左光祿大夫長  
孫稚為使持節假驃騎將軍大都督北討諸軍事與都督  
河間王琛率將討之失利奔還詔免琛稚官爵列傳會鮮  
于修禮反于中山以稚為大都督北討尋以本使達鄴城  
詔稚解行臺罷大使遣河間王琛為大都督鄴道元為行  
臺稚遣子子裕奉表稱與琛同在淮南俱當國難琛敗臣  
全遂生私隙且臨機奪帥非算所長書奏不納琛與稚前  
到呼沱稚未欲戰而琛不從行達五鹿為修禮邀擊琛不  
赴之賊總至遂大敗與琛竝除名又崔孝芬孝昌初蕭衍  
遣將裴邃等寇淮南詔行臺鄴道元都督河間王琛討之  
停師城父累月不進勅孝芬賫庫刀催令赴擣賊退而還  
按道元自渦陽還兵又與元琛同住裴邃之師後琛別與  
長孫稚北討鮮于修禮雖有解罷准之詔又命道元為行  
臺而琛與稚已為修禮所敗後除御史中尉魏書本傳除  
道元不與其事故本傳略之

史中尉官氏志四安將軍第  
三品御史中尉從第三品  
道元素有嚴猛之稱權豪始

水經注釋

卷首

十一 東潛趙氏定本

頗憚之而不能有所糾正聲望更損魏書神元平文諸帝

六世孫葦子子思字眾念為御史中尉先是兼尚書僕射

元順奏以尚書百揆之本至于公事不應送御史子思奏

曰案御史令云中尉督司百察治書侍御史糾察禁內又

云中尉出行車輻前驅除道一里王公百辟避路時經四

帝前後中尉二十餘人奉以周旋未曾暫廢府寺臺省竝

從此令唯肅宗之世為臨洮舉哀故兼尚書左僕射臣順

不肯與名又不送簿故中尉臣酈道元舉而奏之而順復

啓云尚書百揆之本令僕納言之責不宜下隸中尉送名

御史尋亦蒙勅聽如其奏從此迄今便無準一按此自傳  
所謂不能有所糾正聲望更損者也然道元固有鑒于李  
彪之禁止矣為臨洮舉哀孝文子京兆司州牧汝南王悅  
王愉以反誅追封臨洮王即其人也

魏書孝文五王傳羅夫人生汝南王悅地形志  
司州太祖天興四年置相州天平元年遷都改  
嬖近左右  
邱念常與臥起魏書孝文五王列傳悅及選州官多由于  
念念嘗匿悅第時還其家道元密訪知收念付獄悅啓靈



太后請全念身有勅赦之道元遂盡其命因以劾悅北齊書宋

遊道傳中尉酈道元嘉其氣節引為殿中侍御史臺中語曰疾惡能討宋遊道時雍州刺史蕭寶

夤魏書列傳蕭寶夤字智亮蕭鸞第六子寶卷母弟也孝

征西將軍雍州刺史假車騎都督雍涇岐南豳四州諸軍事

府西討大都督自關以西皆受節度反狀稍露魏書列

山東關西寇賊充斥王師屢北人情沮喪寶夤自以出軍

阻疑侍中城陽王徽魏書景穆十二王列傳城陽王長壽

素阻疑侍中城陽王徽魏書景穆十二王列傳城陽王長壽

同陷害之又關右寶夤慮道元圖已魏書列傳寶夤謂密

蕭寶夤傳作關中寶夤慮道元圖已魏書列傳寶夤謂密

長安輕薄之徒因相說動又蘇湛字景儁魏侍中則之後

以為湛為行臺郎中深見委任孝昌中寶夤大敗東還朝廷

以為雍州刺史後自猜懼害中尉酈道元乃稱兵反時湛

水經注釋卷首傳

臥疾于家寶夤令姜儉報湛云元略受蕭衍意旨乃欲見

除酈道元來事不可測吾不能坐受死亡今便為身計不

復作魏臣也湛聞之舉聲大哭徐謂儉曰為我白齊王蘇

計不能以百口居家為王族滅寶夤復報曰此自救命之

博徒小兒輩計較辦有成理否湛恐荆棘必生庭闈願乞

骸骨還鄉里寶夤素重之知不為己用聽還武功又楊椿

出除都督雍南豳二州諸軍事雍州刺史詔以蕭寶夤代

椿為刺史行臺椿還鄉里遇子昱將還京師因謂曰當今

遣其行臺郎中郭子帙按蕭寶夤傳圍道元于陰盤驛亭

地形志雍州京兆郡領陰盤真君七年併新豐太和十一

年復寰宇記關西道雍州昭應縣即漢新豐之地陰盤故



城漢舊縣屬安定後遇亂徙于此屬京兆是後魏太和九年移此額于冷水西戲水東以城之是也方輿紀要陰盤城在陝西臨潼縣東宋白曰京兆昭應縣東十三里有故城後漢靈帝末移安定郡陰盤縣寄理于此今亦謂之陰盤城後魏太和九年復移而東今昭應縣東三十二里零水西戲水東司馬村有陰盤故城是也又有陰盤驛亭

在岡上常食岡下之井既被圍穿井十餘丈不得水水盡

力屈賊遂踰牆而入道元與弟道按史文闕一字以魏書及本史參驗當是道峻

二子俱被害道元暝目叱賊厲聲而死寶貨猶遣斂其父

子殯於長安城東按蕭寶貨傳詐收道元尸表言白賊所害事平喪還贈吏部

尚書冀州刺史官氏志吏部尚書上州刺史竝第三品安定縣男地形志涇州安定郡

領安定縣晉罷後復按道元先襲父封永寧侯例降為伯至此別封安定蓋始封之君也官氏志開國縣男第五品

道元好學歷覽奇書撰注水經四十卷本志十三篇又為

水經注釋卷首 傳 西東潛趙氏定本

七聘及諸文皆行于世魏書列傳高謙之專意經史與袁翻常景鄺道元之徒咸稱款舊按

道元立身行己自有本末不幸生于亂世而大節無虧即其持法嚴峻亦由拓跋朝淫汙闕冗救敝扶衰使然何至

列之酷吏傳耶恐素與魏收嫌怨才名然兄弟不能篤睦相軋故耶知人論世必有取于余言也

又多嫌忌時論薄之按此亦仍魏書之舊而未經裁削者觀其有從死之弟則非不能篤睦可

知子孝友襲



水經注釋目錄

卷一

河水一

漢書地理志金城郡河關縣積石山在西南

郡十六行九千四百里一清按河自章武入海之道

水經則敘于濁漳水篇胡肫明以濁漳即古徒駭河

所行河去而漳得擅其流漢人指此為禹河然云過

郡十六以水經考之河自黎陽以上所過有金城河

南天水武威安定北地朔方五原雲中定襄雁門西

河上郡河東馮翊河內凡十六郡黎陽以下大河故

瀆所經有魏郡東郡清河平原信都勃海又六郡共

二十二郡考禹河所過有魏郡廣平鉅鹿信都勃海

而無東郡清河平原是過郡二十一也又自章武東

出為逆河逕驪成至參縣碣石山又過郡二右北平

遼東合計過郡二十三班固云過郡十六殊不可解

自禹告成之年下逮周齊桓之世九河已亡其八後

數十歲為定王五年已未當魯宣之

七年而河遂東徙凡一千六百餘歲

水經注釋

卷首

東潛趙氏定本

卷二

河水二

卷三

河水三

卷四

河水四

卷五

河水五

漯水

漢志東郡東武陽縣禹治漯水東北至千乘入

海過郡三行千二十里又平原郡高唐縣桑欽

言漯水所出





卷六

汾水

漢志太原郡汾陽縣北山汾水所出西南至汾陰入河過郡二行千二百里冀州寢

澮水

說文澮水出霍山西南入汾

涑水

續漢書郡國志聞喜邑有涑水一清按漢志莽改河東郡曰兆隊左邑曰兆亭兆即洮洮水即

也

文水

一清按元和郡縣志太平寰宇記作文谷水以此水出文谷也隋置文水縣因水受氏焉

原公水

水出原過祠下者也

洞渦水

魏書地形志太原郡晉陽縣同過水出木瓜嶺一出沾嶺一出大廉山一出原過祠下五

水合故曰同過西南入汾

晉水

漢志太原郡晉陽縣龍山晉水所出東入汾

水經注釋

卷首

二 東潛趙氏定本

湛水

說文湛水豫章浸一清按章字誤也當作州

卷七

濟水

漢志河東郡垣縣禹貢王屋山在東北沅水所出東南至武德入河軼出滎陽北地中又

東至琅槐入海過郡九行千八百四十里

卷八

濟水二

卷九

清水

漢志魏郡內黃縣清河出南

沁水

漢志上黨郡穀遠縣羊頭山世靡谷沁水所出東南至滎陽入河過郡三行九百七十里師古

曰今沁水至懷州武德入河此云滎陽疑轉寫錯誤一清按水經用山經之文故主涅縣



**淇水** 漢志河內郡共縣北山淇水所出東至黎陽入  
入白溝以入清河而歸于海蓋曹公過  
之北注故清河口有淇河口之稱也

**蕩水** 漢志河內郡蕩陰縣  
蕩水東至內黃澤

**洹水** 說文洹水在齊魯間一清按齊字誤當  
作晉見本篇注引說文竝字林可證

卷十

**濁漳水** 漢志上黨郡長子縣鹿谷山濁漳水所出東  
至鄴入清漳關駟曰濁漳即潞水為冀州浸

**清漳水** 漢志上黨郡沾縣大龜谷清漳水所出東北  
至邑成入大河過郡五行千六百八十里冀

州川一清按漢志所云則濁漳自鄴縣以下皆清  
漳之流也龜當作雙即要字邑成是阜成之訛

補 **滏水** 一清按魏都賦曰  
北臨漳滏是也

補 **洺水** 一清按說文洺水一名初學記  
引水經注曰洺水一名漳水

水經注釋

卷首

三 東潛趙氏定本

卷十一

**易水** 漢志涿郡故安縣閭鄉易水所出東至范陽入  
濡并州浸亦至范陽入涑師古曰言易水又至

范陽入  
涑也

**滹水** 漢志代郡靈邱縣滹河東至文安入  
大河過郡五行九百四十里并州川

補 **滹沱水** 一清按漢志代郡鹵城縣滹池河東至參合  
入虜池別過郡九行千三百四十里并州川

從河東至文安入海過郡六行千三百七十里參合  
是參戶之誤別下落河字河間國弓高縣滹池別河

補 **派水** 一清按說文派水出雁門葭人戍夫山東北入  
海是也從河見濁漳水注

井淀明實錄太僕少卿何棟言唐滋沙鴨四水由保  
定真定會于河間天津入海唐即滹沱之漫流四

沙即派河鴨河本名鴉兒河即滹沱之漫流四  
水相敵派河雖不見漢志當據許氏之書補之



補滋水一清按漢志常山郡南行唐縣牛飲山白陸谷  
俗本漢書誤也

卷十二

聖水一清按聖水不見漢志其源惟記于古碑而  
桃水涿水垣水之見于漢志者皆載入篇中

巨馬水漢志代郡廣昌縣涑水東南至容  
城入河過郡三行五百里并州浸

卷十三

灤水漢志雁門郡陰館縣累頭山治水所出東至泉  
州入海過郡六行千一百里師古曰治音弋之

反燕刺王傳作台字一清按今誤本作  
濕字依說文校正詳本卷灤餘水同

卷十四

灤餘水漢志上谷郡軍都縣溫餘水東至路  
南入沽一清按此即溫字訛誤之始

水經注釋

卷首

四 東潛趙氏定本

沽水漢志漁陽郡漁陽縣沽水出塞外  
東南至泉州入海行七百五十里

鮑邱水一清按鮑邱水出自戎方不見漢志而  
漚水灑水之見于漢志者皆載入篇中

濡水漢志漁陽郡白檀縣洧水出北蠻夷師古曰洧  
音呼鷄反遼西郡肥如縣元水東入濡水濡水

南入海陽一清按洧水道元注引地理志作濡  
水洧字誤也南入海陽當作南至海陽入海

遼水漢志遼東郡望平縣大遼水出塞外  
南至安市入海行千二百五十里

小遼水漢志元菟郡高句麗縣遼山遼  
水所出西南至遼隊入大遼水

湨水漢志樂浪郡湨水縣湨水西至增地入海說  
文湨水出樂浪鏤方東入海一日出湨水縣

卷十五

洛水漢志宏農郡上雒縣禹貢雒水出冢領山東  
北至鞏入河過郡二行千七十里豫州川

伊水漢志宏農郡盧氏縣熊耳山在東伊水  
出東北入雒過郡二行四百五十里



**灋水** 漢志河南郡穀成縣禹貢

**澗水** 漢志宏農郡新安縣禹貢澗水在東南入雒一

也孔穎達正義以為伊澗澗三水入洛合流入河然

所出之源既異水經漾河自淮泗各殊是其例也

况澗水下流兼被穀水之稱水經尚不并穀于澗而

乃附三水于洛乎禹貢導水明云導洛自熊耳東會

伊為三川張儀曰三川周室天下之市朝也秦以之

置郡而周靈王二十二年穀洛鬪說者謂澗水于是

始有穀水之稱穀即澗也觀此則安見三水之弱小

于洛而僅附見也哉宋林少穎曰據伊澗澗入于

洛而洛入于河禹貢則以四水列言者曾氏曰漢水

入江以入海而荊州言江漢朝宗于海與此同意蓋

其水之大小相敵也可謂先得我心矣三水宜並列

于目故詳著焉善乎胡肫明之言曰古時澗水經河

南故城西入洛澗水經河南故城東入洛故澗水東

自周靈王壅穀水使東出于王城之北則其勢必入

于澗水而合流歷王城之東以南注于洛時二水猶

未經洛陽城也迨東漢建都于此自河南縣東十五

里之千金場引水繞都城南北以通漕而灋水始與

穀水俱東注矣古時澗不合澗亦不過洛陽縣南而

未至偃師也

水經注釋

卷首

五 東潛趙氏定本

卷十六

**穀水** 漢志宏農郡龜池縣穀水出

穀陽谷東北至穀城入雒

**甘水** 續志河南尹河南縣有甘城劉昭補注杜預曰

縣西南有甘泉京相璠土地名曰甘水北入洛

**漆水** 漢志右扶風漆縣漆水在縣西說文漆水

出右扶風杜陵岐山東入渭一曰入洛

**澹水** 說文澹水出京兆藍田入灃地形志京兆郡山

北縣苦谷澹水出焉一清按漢志謂之沂水

-3 238 34 875" data-label="Text">

**瀘水** 漢志北地郡直路縣瀘水側加切又說文是出西

東入洛與漢志異



補洛水 漢志北地郡歸德縣洛水出北蠻夷中入河左  
馮翊襄德縣洛水東南入渭一清按周禮雍州  
浸曰渭洛孔安國尚書傳雍州曰漆沮之水已從入  
渭導渭曰漆沮二水名亦曰洛水出馮翊北說文洛  
水出左馮翊歸德北夷界中東南入渭歸德屬北地  
郡許氏誤也然則班志所云入河者蓋由渭以達于  
河也此與出自熊耳會  
伊入河之洛截然不同

卷十七

渭水上 漢志隴西郡首陽縣禹貢鳥鼠同穴山在西  
南渭水所出東至船司空入河過郡四行千  
八百七十  
里雍州寢

卷十八

渭水中

卷十九

水經注釋

卷首

六 東潛趙氏定本

渭水下

補豐水 漢志右扶風鄠縣豐水出東南北過上林入渭  
一清按禹貢漆沮既從豐水攸同詩大雅豐水  
東注維禹之績豐  
亦入渭之大川也

補涇水

漢志安定郡涇陽縣開頭山在西禹貢涇水所  
出東南至陽陵入渭過郡三行千六百里雍州  
川一清按說文涇水出安定涇陽  
開頭山東南入渭雒州之川也

補汭水

漢志右扶風汭縣汭水出西北東入涇雍州  
川一清按說文汭水相入也師古曰汭在豳

卷二十

漾水

漢志隴西郡氏道縣禹貢養水所出至武都入  
漢師古曰字本作漾或作漾又西縣禹貢嶓冢  
山西漢水所出南入廣漢白水東南至  
江州入江過郡四行二千七百六十里

丹水

漢志宏農郡丹水縣丹水出  
上雒冢領山東至析入鈞



卷二十一

汝水

漢志汝南郡定陵縣高陵山汝水出東南至新蔡入淮過郡四行千三百四十里應劭曰汝水出宏農入淮一清按潁川郡亦有定陵縣有東不羹城莽曰定城者也續志潁川郡有定陵而汝南無之其潁川之定陵云有東不羹劉昭補注引地道記云高陵山汝水所出蓋合前書二縣而一之

卷二十二

潁水

漢志潁川郡陽城縣陽乾山潁水所出東南至下蔡入淮過郡三行千五百里荊州濱

洧水

漢志潁川郡陽城縣陽城山洧水所出東南至長平入潁過郡三行五百里

潁水

漢志潁川郡密縣大騶山潁水所出南至臨潁入潁一清按說文潁與職切又有潁水亦出河南密縣東入潁音與職切二水字形相近音聲又同似是一水而重出者

澮水

說文澮水出鄭國詩曰澮與洧方渙渙兮

水經注釋

卷首

七 東潛趙氏定本

渠水

漢志河南郡滎陽縣狼湯渠首受涉東南至陳入潁過郡四行七百八十里一清按水經澮水下有渠水即滎蕩渠實大川也宜著于篇目善乎禹

貢錐指之言曰自滎陽引河後遞加疏導枝津交絡名稱互見使後人目眩心搖今綜其大略以滎蕩渠為主水經注云渠水自河與濟亂流東逕滎澤北東南分濟歷中牟縣之圃田澤與陽武分水又東南為官渡水又東至浚儀縣左則故渠出焉秦始皇二十二年王賁斷故渠引水東南出以灌大梁謂之梁溝世遂目故渠曰陰溝而以梁溝為滎蕩渠陰溝東南至大梁城合滎蕩渠其東導者為汜水至蒙縣為獲水又東至彭城縣入泗滎蕩渠自大梁城南南流為鴻溝鴻溝又兼沙水之目沙水東南流至新陽縣為百尺溝注于潁水此即班固所謂滎蕩渠首受涉東南至陳入潁者也其一水自百尺溝分出東南流至義城縣西而南注淮謂之沙汭沙水所出又有睢水入泗泗水自陳留縣首受滎蕩渠東南流至下相縣南而東注淮以上諸渠同源出于河之濟故言鴻溝者指此為鴻溝言滎蕩渠者指此為滎蕩渠言汭水



者指此為汴水言浚儀渠者指此為浚儀渠皆以下  
流之目追被上源也此外有濟隧上承河水于卷縣  
北河南流與出河之濟會自于岑造入激隄而其流  
遂斷其言至為明晰今陰溝汭瓠子諸水皆自為  
一篇而渠水無稱焉豈酈氏原書  
如是一篇而渠水無稱焉豈酈氏原書  
如是一篇而渠水無稱焉豈酈氏原書

卷二十三

陰溝水

漢志淮陽國扶溝縣渦水首受狼  
湯渠東至向入淮過郡三行千里

汭水

漢志河南郡滎陽縣卞水在西南說文汭水受  
陳畱浚儀陰溝至蒙為雝水入于泗徐鉉曰今

作汭  
非是

獲水

漢志梁國蒙縣獲水首受留獲渠東北至彭城  
入泗過郡五行五百五十里一清按汭水雖亦

至梁郡蒙縣為雝水自與出蒙縣北之  
獲水源流有別今本篇目不具更列之

卷二十四

水經注釋

卷首

東潛趙氏定本

睢水

漢志陳畱郡浚儀縣睢水首受狼湯渠水東至  
取慮入泗過郡四行千三百六十里又沛郡芒

縣應劭曰  
睢水出焉

瓠子水

漢志陳畱郡封邱縣濮渠水首受沛東北至  
都關入羊里水過郡三行六百三十里一清

按濮渠即  
瓠子河

汶水

漢志泰山郡汶水出萊毋西入沛又萊蕪縣原  
山禹貢汶水出西南入沛汶水桑欽所言一清

按司馬彪郡國志云萊蕪有原山潘水出劉  
昭補注杜預曰汶水出然則潘水其異名乎

卷二十五

泗水

漢志濟陰郡乘氏縣泗水東南至睢陵入淮過  
郡六行千一百一十里又魯國卞縣泗水西南

至方與入沛過郡三行五百里青州川一清按班固  
所云若二水者及讀道元注濟水篇云乘氏無泗水

乃荷水方知泗字是荷字之誤然  
則出卞者是也入沛當作入沛



沂水 漢志泰山郡蓋縣沂水南至下邳入泗過郡五

泗 漢志泰山郡蓋縣沂水南至下邳入泗過郡五

洙水 漢志泰山郡蓋縣臨樂子山洙水所出

臨樂山無子字

卷二十六

泲水 漢志琅琊郡東莞縣術水南至下邳入泗過郡

巨洋水 漢志琅琊郡朱虛縣凡山丹

淄水 漢志泰山郡萊蕪縣原山淄水所出東至博昌

定入馬車

汶水 漢志琅琊郡朱虛縣東泰山汶水所出東至安

水經注釋

卷首

九 東潛趙氏定本

言出朱虛入維將桑欽所說有異或者有二汶

濰水 漢志琅琊郡箕縣禹貢濰水北至昌都入海過

都昌縣昌都

膠水 漢志琅琊郡邦縣膠

卷二十七

沔水上 漢志武都郡沮縣沮水出東狼谷南至沙羨

沔水分上中下三篇今移下篇接上篇

卷二十八

沔水下

卷二十九



潛水 漢志巴郡宕渠縣符特山在西南潛水西南入

湍水 漢志宏農郡析縣黃水出黃谷

均水 漢志宏農郡盧氏縣熊耳山在東育水南至順

粉水 太平寰宇記粉水出房陵縣北永林山一清按

白水 一清按此即漢志所謂蔡陽

泚水 漢志南陽郡泚陽縣應劭曰泚水東入蔡一清

卷三十

淮水 漢志南陽郡平氏縣禹貢桐柏大復山淮水所

水經注釋

卷首

十 東潛趙氏定本

里青  
州川

卷三十一

澧水 漢志南陽郡魯陽縣魯山澧

涇水 漢志南陽郡鄧縣育水出西北南入漢說文涇

灑水 漢志汝南郡灑強縣應劭曰灑水出潁川陽

灑水 漢志汝南郡灑強縣應劭曰灑水出潁川陽

灑水 漢志汝南郡灑強縣應劭曰灑水出潁川陽

灑水 漢志汝南郡灑強縣應劭曰灑水出潁川陽

灑水 漢志汝南郡灑強縣應劭曰灑水出潁川陽

灑水 漢志汝南郡灑強縣應劭曰灑水出潁川陽



湏水 說文湏水出南陽 蔡陽東入夏水

卷三十二

澇水 一清按漢志無澇水說文 澇水深也亦不云是水名

蕲水 說文江夏有蕲春亭徐鉉曰按說文無蕲字他 書亦無此篇下有蕲字注云江夏平春亭名疑

相承誤重出一字渠支切又說文蕲从艸折聲江夏 平春有蕲亭語斤切一清按江夏有蕲春縣晉改曰

蕲陽是因蕲水得名 不知鼎臣何以云爾

決水 漢志廬江郡雩婁縣決水北至蓼入淮又有灌 水亦北至蓼入決過郡二行五百一十里一清

按入淮之淮即灌水 非出桐柏之淮水也

泚水 漢志廬江郡灊縣泚山泚 水所出北至壽春入芍陂

泄水 說文泄水受九江博安洵波入氏一清按全氏 祖望曰洵波當是芍陂之誤又九江不聞有氏

水經注釋

卷首

十一 東潛趙氏定本

水蓋泄水合泚水以入淮而或誤以為入泚水經泚 水篇云泄水從南來注之善長糾之曰泚陽無泄水

蓋誤引壽春之泚泄 耳又因泚訛而為氏

肥水 漢志九江郡合肥縣應劭曰夏水出父城至此 與淮合故曰合肥一清按所謂夏水即漢志沛

郡城父縣之夏肥水也然夏肥與 肥隔淮南北仲瑗合而一之誤矣

施水 一清按施水合肥故縣有合肥之稱水經不溯 其所出而曰亦從廣陽鄉東南入湖與全書義

未例多所 未合

補 滁水 一清按說文滁水名唐六典七曰淮南 道其大川有滁肥之水巢湖在焉是也

沮水 漢志漢中郡房陵縣東沮水 所出東至郢入江行七百里

漳水 漢志南郡臨沮縣禹貢南條荆山在東北漳水 所出東至江陵入陽水陽水入沔行六百里

夏水 漢志南郡華容縣夏水首受江東入沔行五百 里又武都郡武都縣東漢水受氏道水一名沔



過江夏謂之夏水入江又江夏郡注引應劭曰沔水自江別至南郡華容縣為夏水過郡入江故曰江夏一清按本篇注引仲瑗語與孟堅南郡下分注合是文則又主康成之說自相矛盾元故起而糾正之

**羌水** 漢志隴西郡羌道縣羌水出塞外南至陰平入水出徼外東至葭萌入漢

**涪水** 漢志廣漢郡剛氏道縣涪水出徼外南至墊江入漢過郡二行千六十九里

**梓潼水** 漢志廣漢郡梓潼縣五婦山馳水所出南入江一清按據經文當作梓潼水

**涪水** 一清按漢志漢中郡南鄭縣旱山池水所出東漢即涪水也道元載于沔水注中

### 卷三十三

### 水經注釋

卷首

十三

東潛趙氏定本

**江水上** 漢志蜀郡湔氐道縣禹貢岷山在西徼外江

百六十里一清按今本漢書誤也宋本是過郡九行

七千六百六十里又廬江郡尋陽縣九江在南皆東

合大江禹貢錐指曰今江水所過於漢為蜀郡犍為

巴郡南郡長沙江夏豫章廬江丹陽會稽廣陵凡十

郡一國又水經江水東逕宜昌縣之流頭灘注引袁

山松曰自蜀至此五千餘里干寶晉紀云紀陟對司

馬昭曰西陵至江都五千七百餘里宜昌今宜都也在

西陵之東誠如所言則江自岷山至江都入海行萬

餘里易祓曰江源自松州交川縣至夷陵凡四千三

百三十里自夷陵至泰州凡三千六百三十里江自

松潘至泰州行七千九百六十里自泰州至海門又

### 卷三十四

### 江水中

而宋本亦未合也



卷三十五

江水下

卷三十六

青衣水

漢志蜀郡青衣縣禹貢蒙山谿大渡水東南至南安入澌一清按道元引此文在江水篇

澌乃澌之誤蒙山谿即青衣水大渡水即沫水也

桓水 漢志蜀郡桓水出蜀山西南行羌中入南海

若水 漢志蜀郡旄牛縣若水出徼外南至大祚入繩過郡二行千六百里

沫水 一清按即漢志蜀郡青衣縣之大渡水也又續志曰有沫水從邛來出岷江又從

岷山西來合郡下青衣水入大江

延江水 一清按延江水不見漢志而牂柯郡覽縣之覽水鍵為郡符縣之溫水黠水皆載入卷中

水經注釋

卷首

三

東潛趙氏定本

又此下俗本有沅沔水篇目卷中只有經文一句而西水源流附見沅水注且南方之水無沅沔之名蓋是延江水注尾結語而誤以為

存水 一清按漢志犍為郡郫縣不云有水而鬱林郡定周縣水首受無斂據道元注似在郫縣為

存水在定周為周水也

溫水 漢志牂柯郡鐔封縣溫水東至廣鬱入鬱過郡二行五百六十里

卷三十七

淹水 說文淹水出越嶲徼外東入若水

葉榆水 漢志益州郡葉榆縣葉榆澤在東

夷水 漢志南郡巫縣夷水東至夷道入江過郡二行五百四十里

油水 漢志南郡高成縣滄山滄水所出東入緜緜水南至華容入江過郡二行五百里說文油水出



武陵孱陵西  
東南入江

**澧水** 漢志武陵郡充縣歷山澧水所出東至下雋入沅過郡二行一千二百里一清按據道元注特

其支流入沅耳

**沅水** 漢志牂柯郡故且蘭縣沅水東南至益陽入江過郡二行二千五百三十里

**浪水** 漢志武陵郡鐔成縣康谷水南入海一清按康谷水豈即浪水乎

卷三十八

**資水** 漢志零陵郡都梁縣路山資水所出東北至益陽入沅過郡二行千八百里

**漣水** 一清按漣水不見漢志道元所謂資水之別是也

**湘水** 漢志零陵郡零陵縣陽海山湘水所出北至鄰入江過郡二行二千五百三十里

**灘水** 漢志零陵郡零陵縣又有灘水東南至廣信入鬱林一清按班固但記灘水于零陵縣下耳初

水經注釋

卷首

古 東潛趙氏定本

不云出陽海山也道元不知以為湘灘同源此大謬也離水乃牂柯江下流至秦史祿始通之于湘所謂靈渠者也見范成大桂海虞衡志

**溱水** 漢志桂陽郡臨武縣秦水東南至溱陽入滙行七百里

卷三十九

**滙水** 漢志桂陽郡桂陽縣滙水南至四會入鬱林過出桂陽盧聚山滙浦為桂水滙水經云過溱陽縣出

滙浦關與桂水合南入于海注云溱水又南注于鬱而入海其言與班固合應劭曰含滙滙水所出東北入沅道元起而糾正之說文滙浦下落關字

**溟水** 說文溟水出桂陽南平西入營道从水冥聲一清按據水經當云西至營道入湘

**鍾水** 一清按鍾水水經有灌水之稱乃俗傳之誤亦即桂水也道元故特起而糾正之

**耒水** 漢志桂陽郡郴縣耒山耒水所出西至湘南入湘



沫水 漢志長沙國茶陵縣泥水西入湘行七百里

漉水 一清按羅含湘中記曰淦水注湘

瀏水 一清按羅含湘中記曰瀏水注湘

潁水 說文潁水出豫章艾縣西入湘

贛水 漢志豫章郡贛縣豫章水出西南入大江又雩都縣湖漢水東至彭澤入江行千九百里一清

按此即道元注所云豫章水右會湖漢水者也

廬江水 漢志廬江郡廬江出陵陽東南北入江

卷四十

漸江水 漢志丹陽郡黟縣漸江水出南蠻夷中東入海又云江水東至會稽山陰為浙江續志會稽郡

山陰有浙江劉昭補注引郭璞注山海經曰江出歙

水經注釋

卷首

東潛趙氏定本

縣玉山

斤江水 漢志鬱林郡領方縣有斤員水

日南水 漢志日南郡有小水十六并三千一百八十里屬交州一清按今卷末有容容諸水注

云右三十水從江已南至日南郡數與班志不合實即是水也當補列于目

補弱水 說文弱水自張掖刪丹西至酒泉合黎餘波入于流沙桑欽所說

補黑水 漢志益州郡滇池縣有黑水祠一清按禹貢山澤地所在篇有合黎山則弱水所經也三危

山則黑水所經也二水為雍梁之大川水經不應遺之史記索隱尚書正義俱引其書則是二篇亦在失亡之列致使言禹貢者莫能詳二水之源流惜哉

禹貢山水澤地所在 一清按卷尾高高為中嶽已下至三溢池是釋禹貢山水澤地

所在凡六十今本不具于目似亦缺漏



一清按李林甫唐六典註云桑欽水經所引天下之水百三十七江河在焉王應麟玉海云自河水至斤江水河漯汾澮涑文原洞晉湛濟清沁淇蕩洹漳易滹聖巨馬濕沽鮑邱濡遼貝洛穀甘漆澆沮渭漾丹汝潁洧潁澮陰坂睢瓠子汶泗沂沭洋淄汶濰膠沔潛湍均粉白泚淮滢涇灑濯漑濔濔漸決泚泄肥施沮漳夏羌涪潼涇江青衣桓若沫延江沅酉存溫淹葉榆夷油澧沅浪資漣湘灑溱匯深鍾耒洑澆瀏潁贛廬漸江斤江非經水常流不在記注之限末卷載禹貢山水澤地所在凡六十深寧叟所記水經之目與今本不殊以原公爲

水經注釋

卷首

六 東潛趙氏定本

原洞渦爲洞陰溝爲陰則其所省也以梓潼爲潼廬江爲廬舊本之脫耳以灤水爲濕水瀘水爲沮水施水爲施水滙水爲滙水冥水爲深水皆誤文也經水凡百十六較唐六典少二十一篇證以本注及雜採他籍得滏洛滹沱派滋伊瀍澗洛豐涇汭渠獲洙滌日南弱黑十八水而灤下當有灤餘清濁漳大小遼原分爲二刪去無注無名之沅酉水合一百三十七水與唐六典數合也

水經注釋卷首終